

2



循古堂詩集

卷四補史亭臚亭  
卷五閱行錄錄  
卷六卷七卷八翰苑集





道古堂詩集卷四

仁和 杭世駿 大



補史亭賸稿

予以八月初旬還里卽以是日見夢丁處士敬見  
良友之念我切也書此志感

斜風吹雨颭青鐙孤影蕭騷似定僧又向故人魂夢裏  
秋衫涼露骨稜稜

庚戌八月七日寢堇浦歸自日下爲述途次泮  
水之阻語最了了後詢之果抵家於是日亦異  
矣

閒窗讀罷鼠窺燈塊影凝然澹似僧合眼便教來好  
夢故人眉宇見秋稜

蘋香齋坐月

涼月紛紛滿蕭寥野性耽風花吹不定清梵度鄰龕樹  
病新霜重苔滋宿雨酣清光識人意離坐每相參

施安招宿南屏山房子以畏雨不果次韻

白雨如絲細細生憚人腰脚媿山行秋屏展出蒼疎畫  
遠水吹開澹蕩情招我入林防路滑乞君書帖報霜晴  
來朝定泛菰蘆櫂共聽寒泉瑟縮聲

遼宮詞七首

端拱門前冊使過扇門簾捲樂聲和禁中徽號傳呼徧  
三字新銜耨幹廢

地祇地后卒相逢車挽青牛避若風至竟君王藉雄畧  
三千勁卒困盧龍

殿築昇元哭梓宮龍飛星隕感無窮含情不得酬同穴  
玉腕生生納柩中

四樓相望二千餘獵獵黃沙撼拂廬昨日東丹中使到  
人皇新啟問安書

禁扁黃圖法式寬瓊思瑤想迴人寰清風三殿初成日  
草廷猶傳內禁頒



巧製紛紛出內家金塗鴉尾九龍車君王日日邀同輦  
看徧秋來滿谷花

深禁沈沈玉漏長牙牀猶是待君王迴心院冷琵琶寂  
宮婢偷閒寫十香

吳山斗閣次張沅丁敬兩處士韻

傑閣軒軒繞翠巖莊衿老帶隔塵凡星沈玉礪鯨魚靜  
露下莎亭警鶴饒謔母銅符雲滿簡上清蚪篆石爲函

閣中舊有道藏道人應是華陽隱位列真靈第幾銜

雨中對菊

三十六陂涼雨四五六落英洗出一天寒豔照來獨

院空明長唸相對逾澹短夢今宵定清日莫更添蕭瑟  
幾時伴我初晴

書燉煌集後寄顧行人之珽三水

指掌西陲聚米圖巖疆版築集烝徒天開勅勒穹廬遠  
地拓瓜沙戍壘孤雞塞夢寒飛錦段雁關烽息閱金符  
冰霜詩句賢勞績補入燉煌實錄無

九日集隱几山樓

圍藍削翠望周遭爽入晴空散鬱陶獨木野橋隨礪曲  
尖頭小屋旁巖高迎秋花好長扶屐禁體詩成不數餒  
勝日風光儘排遣但須飲酒讀離騷



霜降日雨中厲二鶚汪五沈過宿松吹書堂

草閣何來二妙投風簾樺燭不施鉤寒霜欲下先驅雁  
小雨初成亦聚鷗隔樹暝陰遮瘦影對牀清夢逼殘秋  
情知杞菊甘孤寂未敢尊前儼四愁

送汪五之維揚卽題其行卷

嚴霜作威菊放蕊黃者正色餘赭紫酒琰羞澀柰爾何  
攀折一枝當觥使槐塘第五詩局子衡門櫛比豐樂里  
老父涉江兄走歛十口墓頤動張哆靖居恭學被飢驅  
穀皮書帙邦溝度講堂兀坐作經師磨丹點黝申鞭箠  
六詩三筆暇探微遊席懽塲屢摩壘盡將秋士結習緣

瑀入清寒五字裏主曰茁村

江都余元甲

師樊榭

錢唐厲鶚

力矯

顏波正風始樊榭論詩造幽澹荔裳蘿帶牽蘭芷微旨  
應須蜜味參清言瀉作溪流駛茁村句格超卑凡澀語  
苦危絕比儼華峯四面類削成峽水三堆長倒徙大江  
南北風雅衰敗鱗禿甲都襪襪濡雪堂標主客圖玲瓏  
館析靈通指清時過從作雅娛商推風騷辨商徵乃于  
二者門庭間日夕熏湔得神髓冰腸雪魄搜清嚴梔貌  
蠟言簸糠粃半羶獨聳山字肩書徧門生白棊几秋深  
風勁單袂寒歸買吳綿裝布被入門詫我一編詩半歲  
羈孤藉有此嗟予重慳挾單惠讀汝新詞轉無俚苦吟



何補枵腹飢人笑汝癡汝自熹馨兒呱呱月始孩姪妻  
側室困骹骹一妹九月初委禽一姊十月將嫁矣貧家  
舉事百物艱嫁衣端恃汝料理室中須者雙南金卷裏  
珠璣空復爾我生苦爲作詩窮落魄歸來長馬齒弱齡  
弟妹苦飢寒向我申申絮不已比來蹙貌日尠歡欲製  
題辭失清綺上海譌傳邱令亡連墻走報及生死把君  
行卷哭秋風淚染番番竹膜紙痛定腸迴自解嘲死生  
得喪偶然耳龜毛兔角紛請張鼠目獐頭翻忸怩古來  
聞有寶燕人世上元無刻楮技詰窘誰堪破天械摧謫  
差能免法喜寺樓揩眼繙梵夾亭角埋頭刪野史行歌

帶索照孱顏影落寒潭共清泚襍被蕭蕭爾漫行我自  
雪中能曳履來帆定有束修羊相約銷寒過歷尾

及孝廉

聞望

歿已匝旬腹痛之悲不能自己寫五

斷句告于靈牀

童稚嬉遊到卅年里門清望過前賢江郎作宦汪倫別  
獨翦寒風送紙錢

槐黃期迫鼠兒年研席曾來乞一聯侍御

徐次公杞

還朝君

展散忍封秋淚酌重泉

近來文士耽空綺經苑經神品目誰苦憶半瓊清獨擁

曲臺喪服細鈔時



迎秋病骨日槎牙  
裊淚緘愁度夢華  
九月釀霜風執惡  
墓門吹斷日南花  
共住銅街九陌塵  
板牀支枕話含辛  
不堪風雨重陽集  
穉穉歸來哭此人

題趙叟新居

製里依然旁舊林  
谿流繞屋樹連陰  
野船泊岸綠萍散  
山屐到門紅葉深  
衣桁翠分松露潤  
茶牀清苔竹風吟  
隔墻不少樵漁侶  
好境時時得過尋

瑟瑟深秋菊未殘  
斜風細雨任相干  
山妻檢歷安雲碓  
穉子牽蘿補藥闌  
門對兩株高鴨脚  
窗橫七尺舊魚竿

蘆簾鎮日清垂地  
相伴鑪熏到歲寒

峻嶒玉骨鶴猶輕  
不用過頭杖亦行  
帖寫新霜報園叟  
碁貪殘劫坐深更  
盤盤徑草芟還合  
策策庭梧下有聲  
夢到石壇成小憩  
一林風月喜雙清

羅階藥艸鬪清妍  
丈室西風駐少年  
卷裏谿山得真意  
靜中雞犬有僊緣  
烏絲紅裏能娛老  
白髮青鐙可破禪  
瘦骨近來翻兀傲  
不曾行乞草堂錢

萬編修

經

將往明州修志過予追訪舊事迹長句

荅之兼以送行

句章太守儒術吏  
欲以文藻輝山川  
鄞鄮三縣詢故老



孰克稱任無媿旃青衿諸生六七輩羣游于校我其冠  
僉曰太史九沙叟里號碩德稱耆賢

皇輿圖表受

詔撰一統方略奉

敕編自來鴻筆光史院矧此志乘辭為難聞人豈無夫

已氏軼材諷說不足詮未若叟也撰述卓可傳叟今七

十剛華顛兩目炯炯精神完婁機字源洪适釋肇窠運

腕如雲烟先人傳經角嶽嶽充宗先生著有學禮質疑儀禮商周官辨非禮記偶

箋學春季父讀史腹便便季野先生著有南宋六陵遺事庚申君遺事歷代史表暨

秋隨筆著書等身懼放墜叟也一一膽寫工雕鐫紀元

明史三百卷

之考瞭指掌功與史表同精堅建元考一卷括歷代運歷甚晰四明文

獻鬱選首造廬而請何疑焉太守撰日具書幣涉江命

使恭且虔叟承禮命夙當發高軒過躡蓬蒿園誘我騰

說遡前志黃綢煖割朝來眠張津姜嶼之書不可觀津撰

四明圖經見宋史藝文志嶼撰寧越風物志見文獻通考為叟略數楊張前成化時郡人楊

實修四明郡志嘉靖時鄞人大司馬張時徹修府志寶慶纂歷歲丁亥廬陵胡渠

守慶元屬其鄉人參軍濬序稱贛州錄事參軍羅濬直齋書錄解題云胡渠仲方為

守羅濬其甄括明事縣國門先以郡志後六邑刻畫城

鄉人也郭圖廂關其書郡志十一卷鄞志二卷奉化志二卷慈谿志二卷定海志一卷昌國志一卷象山志

一卷府境縣境各治厥後卅載暨開慶丞相臣潛來旬

皆有圖咸淳年刊補史亭臚稿七



宣軍防水則以次定經制稅賦兼牢盆嘉禾繪獻民氣

樂老謀憂國何時諼門生日錫日應發承命執筆校秘

文詩歌自可勒琬琰例以志體稍殊懸開慶改元吳潛以丞相領郡復

續修四明志民政兵防士習軍食別自為志以補前書又立水則自撰平水則記刊石門生慶元府教授梅應

發沿海制置大使主管機宜文字劉錫編次未附詩詞四卷予謂於志體不合也自宋訖命更

延祐袁桷方領編修官本之二志著其概參之七觀究

其原王深寧應麟著四明七觀鈐括郡之掌故為注釋延祐三年袁學士桷復修郡志採其文冠于藝文

考誰其續者垂不刊猗惟王侯元恭捉翰適如椽其間

首尾稱大備一代興廢略可言至正時郡守王元恭續修延祐以後事凡十六

卷稱至正新志前明內府不收弄文淵墜簡終淪湮天一閣范

碧山全家有善本頗自專叟當檄取訶豪頑宋兩志皆宋刊元兩

志亦鈔本明代文淵內閣兩目皆不載海內藏書家亦無有齒及者宋志惟予友全祖望家有之故予得見元

志則天一閣滎陽南山堇山氏邦有黎獻摭攬勤或肇

繡藻采而有耀或大雅宏達而不羣滎陽外史鄭真南山堇山先生黃潤玉堇

山先生李堂各撰四明文獻志先次其行事後列著作其書同異具可核叟今何

不重探論鄭黃止載郡人李則并次名宦抑吾又聞杲堂李翁於叟為

先友高文煌煌稱大篇傳甬耆舊一十卷能事直欲追

古權郡人李鄴嗣胡文學本四明風雅諸書哀集甬耆舊上耆舊自漢至明未定為詩史鄴嗣為撰傳叟

今凡例一本此發幽表微疇謂不然方今

聖主一寰宇睿算尤重海與邊三韓直達島倭接宋時高麗



貢道由明州上見寶東南防守籌宜先舟山負隅歸版

籍時清喜停赤白丸

廟謨議此設重鎮厥餉幾何兵幾千叟宜條晰陳要害

宏論亦可銷戈鋌郡人聘修古有例書法郡守名牽連

其在吾浙嘉興聞人碩德修嘉禾志德清談鑰修吳興志山陰陸游修會稽志天台陳耆卿修赤城志皆宋志

之表上奏

天子

制稱善撤膳或賜兼珍筵叟今決去無遷延雪花席大

蔽江水烏篷船低壓兩肩行騰鞞恣捆載湘東斑管

膠東箋阿育王山考古佛丹山洞天尋真仙搜奇直抉

圖經秘采隱不遺聲聞禪白頭自草丙舍帖歸告先墓

封樹寒焜煌家乘述祖德玩鹿亭古澤永絛玩鹿亭先生高祖鹿

園都督所構寒廳擁堵看秉筆一筆一削孰敢干鼠鬚

疾揮不及凍墨瀋宵受冰霜憐走願傳鈔備書吏微名

亦得流丹鉛不朽盛事會有緣此意只恐天公慳嗚呼

此意只恐天公慳

吳江舟夜

蕭然襍被出河濬十月微暄似小春烟際有船呼戍柵

蘆中無路問敵人篝燈酒味沾脣薄漬蟹薑芽斂手辛

棖觸吳江半篙水三旬兩度往來頻



許上舍

源岳

出觀家伶四首

北寺看鐙憶七年玉釵羅襖晚風前一秋艷思三生夢  
併逐笙歌上綺筵

林鶯恰恰試雛聲惱亂蒼涼客子情斜倚一行紅燭坐  
畫簾風戛水紋生

香篆縈絲炷夕薰冰姿消得研羅裙看來素壁秋鐙影  
瘦較黃花更一分

闔閭城上隱朝霞漏斷嚴更鼓不搃此夜可知歌吹煖  
清霜烘後不成華

山塘泛舟

山塘七里界平流一櫂迴環散客愁花桁密時莎徑窄  
茶寮清處畫簾鉤秋歸蕭寺餘紅葉雲落晴波似白鷗  
莫便歸途悵風景家家鐙火上河樓

同作

錢唐

周經邦

理齋

景入初冬稱晚游蒼深巖壑起人愁千秋陳迹歸金  
虎十里橫塘見玉鉤古堦靜看棲怖鴿畫船清似泛  
吳輕漚鳧溪尚有灣環路夾岸蘆花盡白頭

許上舍惠菖蒲

菖本曾傳養日方殷勤玉斧許分將烟收密穗千重暈  
露淪花蕤一味涼上藥不須尋石髓山齋畱待伴芝房



憑教午夜親黃妳細葉森森發古香  
山齋聞說半生風  
日本海舶將發例皆合樂迎神主人邀予往觀娛燕及

夕請予作祀神歌

吳趨估客豪猶昔金塘玉淑同廻薄大柁高桅取次開  
蹇向長洲河上泊鯁生倚櫂闔閭城覽物驚秋百感生  
編郎招我船艙坐請試中流擊楫聲靈風颯爽飄雲幄  
錦瑟銀箏聽不足越客新翻進酒辭吳兒解唱迎神曲  
發船蚤打逢逢鼓村巫醉飽婆娑舞瑟瑟青楓送後潮  
悠悠白水迷前渡廻首檣帆落照多靈湫龍女夜騰梭  
請看大編乘風去萬里平恬海若波

烏戍

蒼涼西北柵六邑一灣通遠樹歸帆隔斜陽戍壘空風  
流思九老顛顛倚孤篷回首吳趨路荒荒有朔風

題倪迂南湖陸高士宅圖用卷中韻

高士南湖宅流傳至正年山容同畫理陳迹兩茫然石

礪蒲根雨山廚木葉烟題詩輸嬾瓚不共白雲眠

吳上舍城招集繡谷亭

狂客狂教促召齊過從只隔路東西三义晚市稠燈火  
十月寒街噤雨泥開卷就窻驅紙蠹避風遮戶見簾犀  
緘詩并寄蟬花叟雛鳳聲清感玉谿



祥符寺

禮部貢院西更西古寺轟轟浮雲齊金碧已剝蝕猶剩

雕榱題茲寺創始何王時傳是夫同二年邑人鮑侃捨

宅為見咸淳臨安志衆善龍興屢改額大中勅賜榜額名長垂

遺址恢恢衍九里建炎建國乃始改築而小之縱錚軍

器所縱橫五兵貯宋軍頭司巷在其地見夢梁錄今俗稱軍燾子巷是也行都一

劫迹銷沈武庫茫茫在何處我欲禮覺公塋宿草陳荻

莽廻合我欲拓北海碑泐石曾無一段遺佛頭塵滿螺

髻青鍾暗鼓啞難為聽罡風棱棱穿殿角鈴語斷續舍

淒靈錢王鑿井洩龍湫厥眼繁至九百九十九或是妙

莊王女剗後光在手或是國王夫人乳各五百道城頭

滴落千男口沈吟往事諷新詞欲為曾蘇破詩杻上元

鐙火何年無香燒銀葉車咽塗百年瞥眼管興廢感此

突兀青浮圖冰花匝地石牀冷一片清光落峯影荒廚

我無粥飯緣偶持半偈參四禪茶烟緩斜日短命儔一

笑出三門回首寒雲香剝滿

梵天寺同周二學金文淳金文淳作

白足紛紛展氎巾梵音微妙佛堂新帆橫江外天無際

寺在山腰雲獨親老樹日斜飛悴葉壞幢風動散微塵

盤盤仄磴虛亭接歸路行歌雜負薪



華嚴庵同丁敬訪孚中上人不值

言尋洪覺範著錄署林間熟客邀看竹孤僧偶出山石  
牀風自掃松院午猶關嶺外迢迢路沈吟未肯還  
蘋香齋諸子夜集分次王次回寒詞韻八首

燭花飄墮玉蟲寒橫幅冬林被酒看修竹自從離翠裊  
十分風雪橫相干

青編長浣粉脂痕簾幙垂垂氣自溫吹處似蘭香辟蠹  
不須酒脯祭長恩

香熏臥鴨裊微烟手炙張銅坐意錢真個謝庭清似水  
旋吹風絮到簾邊

羊角燈燒一院明枇杷花發夜香清同來山字屏邊立  
釧動釵飛獨憶卿

凍雀偷香踏折枝畫堂清絕峭寒時郎情比似溫暾酒  
冷暖憑他綠玉卮

日上三商起尙遲睡紋親見斷紅時梅兄磬弟蕭閒甚  
冷臥銅餅各一枝

竹鑪風定散茶烟藥院聲清凍手煎一樹香黃自酸楚  
擘橙風味譜中邊

生盆青鴿逗微紅衫搵啼痕旋自烘滿樹辟寒金尙淺  
一雙翠羽踏雕籠



越日復和四首

鶯語偏宜暖玉軀烏圓新與小名呼蕭晨炙研調珠露  
呵點蒙求教阿奴

滿頭蓮草壓花冠薄著吳綿故忍寒八幅畫裙長窄地  
卻畱微步恣郎看

定瓷清茗許分嘗銀燭因風見跋長當面爲郎呵彩筆  
似蘭吹過口脂香

纖手呵寒放剪刀迢迢清景夢難描瓊瓏樓閣風兼雨  
冰筍來朝一萬條

道古堂詩集卷四

男賓仁校字

道古堂詩集卷五

仁和 杭世駿 大宗

閩行雜錄

江行六首

灘迴峯轉引帆來江草連沙劃浪開迨暮揀枝鴉背重  
亂風斜雨子陵臺  
浙河東去一條江才過桐廬便作雙七里瀧邊山勢束  
亂飛潮沫打篷窗中宵寒氣正帶身懸巖巖三十里  
沙翻銀礫並篙爭斜日橫拖五兩明山雨決隄秋漲濶  
牽船齊向樹中行日脚木西更懸銀燭上高懸望天末



篙師貪買蘭江酒日脚才西便纜船晚上高樓望天末  
亂山含月水懷烟徐日懣懣正雨四山雨火與火  
山頭塔影兩相望中有寒流玉帶長繞過龍邱三十里  
水花如繡不聞香木鼓麻風動於雙十里  
嶺脚人家秀色遮當門清繞一谿斜橋西更有金爐廟  
複帳神煤繡紫花

仙霞嶺用周司農櫟園韻

高天削出秀峯峯千級曾梯側足容山寺曉鐘隨霧散  
谿田秋稻帶雲春湍飛未信魚能樂箐黑懸知虎有蹤  
一角空亭倚巖瀨短瓢隨處放疎慵

衝曉征夫已首塗兜輿一路野花扶干溪赴壑斜通越  
疊嶂奔雲倒控吳勝境舊傳仙到此上頭曾有雁來無  
香瓷茗椀前因在客興應知尚未孤

雄關扼險嶺途長磴道穿空勢漸張匝地亂雲迷鳥徑  
際天寒露落楓香蛟螭有力盤千折豺虎無謀割一方  
苦愛僧堂人境寂解纓吾自濯滄浪  
岸岩懸厓一綫通杉篁疎處漏瞳矓路從沙觜烟汀上  
人住溪光黛色中百貨鹽絺商舶近重關鎖鑰霸圖工  
試來絕頂回頭望天首還能辨乙鴻

大竿嶺



道古堂詩集卷五  
邊胸力抵江風大雲護行纏上杳冥納日危岡收晚翠  
倚天孤障入遙青一竿高下中分界七建回盤此作經  
九百江關方歷盡暫拋筇杖拜山靈

淨慈禪院呈慧首座

排頭小艇泊三門江斂晴霞返照昏塔頂微茫飛野火  
山腰依約畫潮痕南屏示拂宗風遠西竺傳經漢語翻  
君自安禪我行脚無生妙諦共誰論

將至榕城寄懷趙孝廉賢時趙已赴南闈

一槭何處寄斯人賭酒讎書迹漸陳計汝定過桃葉渡  
憐子偏作荔支民干灘魚腹方離險九嶺羊腸未刷塵

莫怪含毫寫幽怨從來秋士易沾巾

陪楊觀察宏緒登院後小山

高邱層疊揖天光野氣細縕障大荒慘綠峯巒抱流水  
滲金樓閣界斜陽城邊見塔遙知寺頂上看雲莫辨鄉  
不是使君吟興發一拳何以永蒼茫

道山寫望同王霖兄弟作

層臺高壓古城坳畫出蒼疎遠近郊雲脚乍分山郭補  
林腰將斷水亭交晴光漾藻魚侵蘊秋氣穿榕鷺減巢  
白袷期君同徙倚莫將幽興等閒拋

酬戴夢奎章大有兩進士惠龍目



鎖院深沈故侶親堆枿殼果訝鮮新凝漿暗制潛鮫淚  
圓鷓輕敷嫩麴塵甘露灑枝通蜜味彈丸脫手稱詩人  
微嫌未擘輕紅荔南望楓亭溢齒津

歐冶池卽目

涼波倒浸九山尖螺黛分明入鏡奩鳥鳥倦飛聲尚樂  
綠榕新脫葉微黏迎秋小閣先安簟貼岸扶闌半卷簾  
一抹斜陽過林脊家家門巷曬魚鱗

重登院後小山次監試韻

側徑盤紆上回頭失海門湖光入青篔山意屬黃昏地  
迴禽魚靜烟浮草木溫詩人抱幽賞刻意寫秋痕

獨遊九仙山

礧礧一簣山睥睨亘其麓委蛇遵微行偃仄轉螺殼老  
樹風拗枝一半壓佛屋枯查互撐撐差喜葉未脫徒然  
誇青葱那可救空腹詎不繫感慨聊以朗心目漠漠大  
野間隱隱海氣蓄鬱鬱澗谷姿寤寐矢獨宿未釋域中  
戀甘與野馬逐修我風中翎穢我雲際躅四隩自寥廓  
胡爲尚局縮胡其真向嘗謂悲犬與玉禁聞予有入閩之役作詩誌喜旣  
登巖出闌始得示予遂次其韻示  
一旌迢遞指南天媿汝勞勞盼我前夜雨鶻啼椰子樹



秋風客夢鼠兒年路經古岸烟藏寺人隔危谿月滿船  
欲遣雙魚報芳訊空函何處著陳元

懊惱前程自不知曹騰一醉負心期來徐頓起甘牢閉  
對策劉蕡尚憤時莫向舊槽悲伏驥枉攀別樹感羈雌  
窮鄉偏有迢迢思漫寫情懷入小詩

理州別原作

錢唐陳兆崙句山

詩聞說徵車入海天羈魂延佇驛樓前定知史藁餘三  
篋獨占湖山已二年過嶺日低晴戴笠下灘風駛晚  
行船只今面目慚猿鶴把袖何堪對鄭元

宿昔情懷各自知飛來風馭豈前期文章聲價憑他

日山水遭逢在此時十里紅雲移日月中宵紫氣耿  
雄雌相看莫漫悲離別爲我搖毫賦好詩

同陸三 秩沈五 嶺遊道山

看山無定姿意行擇所善城南矗烏石三子不異撰攝  
衣投深林一一若貫串級級蒼苔階磴勢倚松轉兩松  
相讓間忽露天一綫孤亭嵌危岑俛仰供流盼簷角入  
秋影歛與澹日戰僧雛開圓廬導入苦竹院短垣界山  
跟曲折藤絡纏石幢清無塵齋過鳥來踐妙香生茶烟  
苦味鬱經卷諒能息衰劬各已釋煩悃宿因曾未捐淨  
域所常戀對此山澤癯有似脫塵鞮矯首青楓林景入



猶繾綣

黃大令

任

招同許大令

廷鏐

劉行人

敬與

謝編修

道承

郭明經

金鑑

林上舍

溥

何孝廉

蘭

陳進士

兆

崙

遊烏石山雨阻不果復集山房看菊

羈客旋教感歲華晚香初見數枝斜  
譚經臺迴沈幽磬  
讀畫廊深費短叉  
雨外巒光清似酒月中人影瘦於花  
風懷輪爾樊通德翠髻遙知隔絳紗  
黃侍兒金櫻明豔絕世座客請見不許

福州竹枝詞十八首

井序

閩城環溪帶海三山鼎峙百貨墜積羣萃而州處者

隱隱展展咸衣食於山海土樸茂知禮讓女無冶遊  
自衒之習斗米不過百錢薪採于山而已足魚鹽蜃  
蛤之饒用之不竭佐以番藷蔔芋民雖極貧無菜色  
環城帶甲數萬士飽馬騰有備無患採土風者革其  
焦僥之音訓方言于爾雅注蟲蝦頌草木紀歲時句  
古蹟無諸之俗可約畧數焉

歐池終古水汙汙霸氣潛消六代君大石尊空作重九  
何人解上越王墳  
古殿淒涼曬馬通居民猶指耿家宮一株榕樹荒唐甚  
也要擎雲上九空



鐙月難教一樣齊酒衫風骨舞裙低春臺幻盡魚龍戲  
明月雙門認品題  
鬢沸流泉瀟更清暖湯勺灑不聞聲恩波未得華清賜  
孤負瓊肌夜夜情  
六扇屏風密密排畫堂無地拾瑤釵思量只有羊家婢  
紅屐相逢十字街  
梨口從來號印筐百番將樂紙猶光書棚到處貪翻刻  
俗本麻沙徧學堂  
阿母梳頭曉鏡春東牙小巷闌街塵攜將稀齒篋箕樣  
來贈寒窗攏鬢人

販鮮郎說往南臺一道長橋劃浪開日日橋邊盼郎信  
信來爭得似潮來

林家酒庫宋家香狂客真宜老是鄉一縷清風三十步  
月街吹徧小迴廊

玳瑁頭梳傍玉臺壽山花盆待郎開春愁似海知難遣  
雕刻香螺作酒杯

一丈亭亭夾竹桃佛桑如雪映紅蕉重陽亦有花兒市  
黃菊和泥滿擔挑

費盡冬機碧玉梭夜長織手耐寒呵辛勤一疋雙經絹  
抵換番錢得幾多



青崖二月雨濛濛只採仙芽不解烘搜徧御茶園裏種  
嫩香分裹小筠籠

橄欖青青滿把鮮檳榔萋葉動相牽何如儂縛新龍眼

一束勻圓抵一錢

福州每自稱儂

文旦團團剖更紅羊桃稜稜切偏鬆輸他佛手傳柑種

一樹生香細雨中

明薑通透賽冰糖橘餅紅酥蜜餞黃縷切東瓜較甜味

棗饒畢竟占酸香

渚雲片片轉漁帆海錯誰嗔口腹貪蚤起腥風吹入市

蚌羸蟬蜋滿筐擔

烏鰂研來墨可書鸞帆破浪疾難如廚娘妒爾西施舌  
只說香螺似鮫魚

書張大叅

廷枚

春暉堂集後

麟木終軍蚤棄繻傳家勳衛有金符一驂羽獵長楊乘  
三繪宣和奉使圖戴斗威名馳絕塞揆天才藻壓炎都  
若教傳向雞林賈白傳詩篇價定殊

建溪舟行雜詩

洪山橋外洪山寺紅樹遮藏寺後峯行徧橋亭一百八  
天風才散午時鐘

五篙鴨母小艚篷半住篙師半住儂撐到竹崎關十里



推窗重數碧芙蓉

峽束濤奔逆溯難浮橋北上號驚瀾  
飲飛竟挾扁舟渡歡喜重過黯淡灘

梨灘北望石週遭百道奔洪下壞橋  
一枕清愁滿船月建寧城外聽寒潮

灘到彌陀路盡迷石幢雙峙水痕低  
禪人別有安心法默坐槃談出惡溪

小米平連大米鋪哈呀石勢挾濤呼  
虎兒潑墨試家法幅幅冬谿絕妙圖

崢嶸牛尾接牛頭亂放秋潮不宥收  
羨爾舟師好身手

穩騎牛背上橫流

曹村一里碧螺旋苦竹叢南舊泊船  
月與霜篷助顏色伴他長夜照孤眠

浦城

曉聽戛釜拔船行推挽三篷到浦城  
空有歸心排日脚恨無好句寫谿程  
銀沙結岸宜宵月紅樹蟠崖趁晚晴  
一領單裘支不得北來風勁峭寒生

梨嶺用寺壁宋射陵送天根和尚歸石頭禪院韻

略從竹罅識孱顏迴望危梯不可攀  
沙磧欲枯投急瀑僧房如綴占名山  
雲移絕峪猿尋穴天鑿巉巖豹守關



撒手過來重出險斯遊應算探奇還

嶺行八首

天明扶上筍輿行石磴盤盤不記名五里一亭十里廟  
山僧到處解逢迎

谿山難得此身閒唵客耽奇獨往還一束行旒出天險  
西風騰蹕柳營關

秋山洗眼待歸人碧綠丹黃著意勻策杖溪橋看雲起  
不知誰畫苦唵身

紅樹支離玉礪枯喧晴一路鳥相呼戰風乾葉飛無定  
時向斜陽掠鬢鬚

峻嶺嶸嶸境轉清竹風溪響共琮瑋嚴霜一下山花盡  
獨有寒楓分外明

全家相約住雲峯溝水當門滴玉琮灑穴忽翻驚瀑起  
一輪冬碓急機舂

日報郵籤散遠懷戍墩霜蝕粉書牌三家小市溪醪薄  
一晌瞢騰碎石街

嵐氣遙封卓筆山石橋霜滑曉衝寒干林鳥相都離殼  
便作梅花一路看

蚤發清湖判家書紙尾  
石徑霜欺過嶺鞵清湖灘急竹編籩淒清謝女三秋別



躑躅江郎一里街江郎街上雞方曙  
臙膊驚飛上深樹  
幾處衝瀧鬧水春半規殘月明沙嶼  
沙嶼扁舟盪曉寒  
閨人凝睇共闌干熏籠餘潤收沈水  
寶鏡織塵污遠山  
遠山亦有懷人意細雨蒼烟亂青紫  
嵐氣遙侵客袂單  
溪流那及歸心駛紅葉翻飛間白雲  
冬江風色易斜曛  
侍兒請給銀光紙細數行程報爾聞

道古堂詩集卷五

男賓仁校字

道古堂詩集卷六

仁和 杭世駿 大宗

赴名集

省試冲融和氣洽

紫極凝符命細縑壽域開同聽九成樂  
齊獻萬年杯和氣金絲奏春光玉律催  
莫蒸階畔莢花孕嶺頭梅三秀芝房啟  
初陽黍谷回

一人綿寶厯寰宇樂春臺冲穆天機轉  
昭融瑞象來仁風偕拂拂文露徧皚皚  
軒管欣諧呂虞絃協阜財札觀稱至矣  
夔典詠康哉



帝座環南斗仙韶徹上台嵩呼隨虎拜螭陛願追陪

閏四月二十一日集竹墩積照堂聯句用顏魯公

石尊聯句韻

閏夏集嘉客夙起羅清尊沈樹一本一郡山水古百年耆舊

存厲蘆深刺船影竹密捎橋痕杭世乾鵲噪老屋長歧

垂前軒沈炳楚然笠屐到宛爾昆友敦沈炳棄捐薄俗

禮往復同心言沈炳茵溷各安遇蘭艾分殊根本樹文縑

藉貞玉白水寒芳蓀鶚戀三宿桑下畱十日平原世浪

浪雨鳴瓦滾滾雲出門炳急擬括羽似細並飛絲論炳

陰機幹溟滓神化合混元炳烟駕不肖駐日車豈愁翻異

樹林滋梅磊落溪暖萍溫噉鶚積靄斂萬象大聲廢羣

喧世挺金協至聽漱玉清營魂炳連蜷蕉心展麗欸桐

花繁炳衣徽那可攬琴潤誰能援炳飄搖狎鷗鷺滂沱

沐乾坤樹談豪袂時奮坐久燭屢捫鶚筆陣儼魚麗酒

兵猶蜂屯世韻艱困師服辭騁追文園炳天骨森莽蓴

健格超籬樊炳詩鵠設三乏義途馳兩輻炳上下騷雅

際溯浴清濁源樹寂憩蛤吠野倦欠雞號村鶚翳岑俟

景霽吐溜蒙霾昏世渴畏茗匳盡夢欣香鉢溫炳吾儕

意氣合縑綵非懷恩炳

碧湖雙槳圖為厲徵君鶚賦



道古堂詩集卷一  
葦路迢迢浪影微澹雲流映碧因依雙棲翡翠生來慣  
才到湖邊作對飛

薛家鏡子照梳鬟黛梳何曾盡日間夫婿愛誇新樣好  
畫眉只學小敷山

青蘆結響正西風一舸浮來是鬧紅手把鳳簫羅袖薄  
蕢花吹動月明中

題畫贈馬員外

日琯

華林無煩柯潭底見青影交語葉上聞幽鳥時一騁緬  
懷巖阿人內照抱孤迴味道去莠言稱詩有天警域中  
釋常戀物外謝造請嗒焉尋希夷獨坐到烟暝

題半硯圖

硯堂先生耽研癖瑟縮瓜廬抱良質審肌不見彪紋深  
到眼惟驚兔脣缺規之不圓句不矩似蚰非蚰蛙非蛙  
圭杼璧削勝瓦全一日摩挲豈厭屢夾窗蠡殼相助明  
陳元奔走名楮生斯時斯研絢光彩令我懷古抽深情  
半甌擁處發三篋鬻翰殘編恣漁獵秋林螢暗朧月新  
浣筆書成折釵恰

王晉立秋日

茶碓分泉犖确支吹烟時拂射堂枝清飈入戶移牀近  
細雨縈窗卷幔遲作客莫登巖閣望延秋先辦石闌思



南園南去攀條路只有涼蟬露穗知  
題休寧吳大家畫梅  
玉骨含芬妙琢詞謝庭何處見風期閒來却借諸兄硯  
手寫寒香入拗枝

宋 銓 秋夜讀書圖

瓊露團涼秋璿杓轉遙夜皎月懸天心靈籟靜林罅馨  
聞桂流遠英見蘭含姤爽氣盈冲襟清輝溢深榭于時  
讀我書此樂買無價達人寡俗營優遊日多暇傾橐購  
異籍牙籤插高架學海恣沿洄藝圃勇躡藉眷茲商序  
佳朱火早徂夏橫榻琴輟彈盈尊酒停瀉懷鉛勘陳編

鉤元氣爲下爐熏馥沉檀燭光秉雙樺清漏已數移哦  
聲久未罷想見得意時佳境同餐蔗世人競聲利役役  
驚塵駕晨裝先雞鳴宵枕虛蝶化往訓視爲讎古人受  
嘲罵意氣向人豪腹負堪悲咤書田力菑畬豐收勝秋  
稼幾見女娉婷空山愁不嫁惟君知其然樂事向天借  
晴窗展新圖勝情恍如迓識湛博聞餘興永會心乍翻  
笑賦秋聲丹顏傷凋謝

賦得琢玉成器

懸圃光難掩方流折更清良材憑地產巧斲若天成割  
自昆刀正礪因砥石平寶堪藏什襲價不換連城灌獻



三璋重郊行四邸明飾車昭異等鳴珮振和聲特以朱  
絲繫長宜藻藉盛儒珍方待聘大璞迴忘名

宛平查氏七烈詩

燕歌何激烈聽之傷肝脾嗚呼七烈志不移令人擊碎  
珊瑚枝春風吹山草木腥千騎萬騎屯燕城狐藏兔脫  
亦無數措身何惜無令名從來大福難如願自是閨房  
有成見安知出釜魚不作投羅燕一命本輕塵況兼禍  
患屯相攜就節義畢命紅羅巾人生古來同一死唯有  
高名在青史七烈之名誰不聞至今白日昭青雲

冬夜寄懷同年嚴大令

遂成

三絕句

一試驚傳賦手新詞科才望迴無倫翦屏獨枕寒廬臥  
絕似當年法若真

下田聞少漏蹄牛不浸湖波也自愁水國怪來芳訊杳  
只盟三十六鳧漚

客窗苦憶袞師兒卯酒朝酣晚飯遲乞得家鄉鼠須筆  
詩來渾仗醉來時

壽徐侍讀

用錫

八十

儒業光前載文章渙大江予齡唯益劭擅譽早無雙麟  
角誰能匹龍文自可扛詩城森壁壘武庫足戈鏃大道  
今無外羣言日以隳寧知天上水不比隴頭瀧妙理心



皆愜高談氣轉降自能窺橐籥何止奏壘控玉署揮銀  
管瓊蕤照綺窗曉吟看露掌夜讀對藜釭鵬擊三千里  
蜺垂十丈杠幾年棲碧岫高臥枕流淙秋雨閒尋菊春  
波穩泛艫老成元戀

主經術更華邦南充爭推傳襄陽共識龐蠅頭從細寫  
鯨響任頻縱不煉丹砂竈唯斟白玉缸春風吹舊臘樂  
府唱新腔瑤圃鸞爲使銀臺玉作幢頤神長矍鑠積慶  
在敦龐

送吳脩道還山陰

燕昭臺下春草晴燕昭臺南送客行客行不畱竟何事

春衫阜帽還江城江城別時烟裊裊綠蒲長徧江南道  
束書脂轄來

帝京清才會有聲名早學市雙槐交古枝將看叔夜寫  
殘碑玉珂玲瓏馬蹄疾翩翩意逐南雲馳南雲相待入  
門久堂上春風千萬壽曾參辭祿好芸瓜老萊有衣堪  
獻酒仲升一經家自傳懷祖文度皆神仙莫忘郗詵東  
堂桂賜錦攜來紅日邊

紫丁香三絕句

晚風吹月過闌干一樹濃香未放殘應是天工矜色相  
紫雲開朶借人看



一色濃華鈿朶勻  
午蜂作意鬧殘春  
何人最有紅潮頰  
貼上瑤環更可人

閒庭疑有紫霞蒸  
飛上瓊枝豔不勝  
欲向花前喚歌舞  
座中誰賚鵲紋綾

和金殿撰 德瑛 小清涼山房圖四首

卜築郊垆路清嚴  
擬木天仙都通閨  
苑別館近甘泉  
鷲嘯垂楊外鐘聞  
複道前薜蘿何必  
隱佳境自翛然  
橐筆趨朝暇焚香  
愛靜居異書搜蠹  
簡古劍豔秋蕖對  
酒停雲後彈琴霽  
雨初相從無俗駕  
宛作野人廬  
大雅誰雄長先生  
多古情奇文騰鸞  
鷲健筆立崢嶸早

有山中志羣傳殿上名  
支頤看遠翠寵辱更何驚  
前輩遺踪在風流兩不違  
當簷有嘉樹繼組似傳衣  
我意羅含是誰言宋玉非  
何當逢下直日日扣林扉

江陰翁上舍 照應 詔來京血疾間作不及待試

嵇相國招入幕中送詩以志搃擊

君才敵百夫有作儼雅頌  
大江盪文胸崔蔡見伯仲  
篠簜美東南蔚爲天府貢  
拂衣不宥住泉石足吟諷  
一別渺天涯關河倏四凍  
征車再入雒賓主偶相從  
吾鄉君舊遊飽看南湖葑  
相送復歸去牽我吳山夢

贈湘鄉易徵士 宗溥 二首徵士母喪嘗廬墓



樂樂單薦共幽昏飛燕來馴虎衛藩午夜驚風吹木葉  
也知臥具定奇溫

心目雙瞿劇可憐聖廬土席靜相便七篇禮服無人讀  
獨向空山臥四年

送同年金姓之東昌

相守無歡悰送子走馬去青棗不著花纂纂在高樹赤  
心持奉子將子尚無吐布褐有石交簪帶少肺附神明  
既不關歡謔又何助陳人負屯骨握鑿定溝脊薄植期  
前修駑足切遐慕回首一蹉跌萬事歎錯迕期子金石  
堅欽子文章富惜子遠行邁鬱勃發奇趣鵲山秋在朝

華不秋在暮朝暮鵲華間秋色瘡稜度灑詞搜清寒渺  
渺澹思慮維子磚瓦姿礫礪擲霜露誰能不雕厲輾轉  
自耽誤誦子歷下詩得陰雨恐懼潘生瓏無近情此意  
或可語索米良以艱寄食豈容屢久羈童僕疑習見親  
暱數九十月之交余亦奮南翥

題江右熊孝眼先生傳後

髮膚受諸親守身實孝始一朝嬰禍危旋身為親毀熊  
公挺江右束身事名理至孝由性成侍疾屏甘餌疆場  
興戈矛盜賊紛蜂蟻都邑竄哀鴻郊原突奔豕豈僅居  
民憂要亦吾徒耻惟公上有父赫怒嚼齟齒升堂說大



義逆順首綱紀寧期虎狼羣不及鼎鑊耳縱橫白刃下  
殷血灑冠履一息渺無何公誠代親死巫陽忽應召魂  
魄還墟里大德固有終天道不遠咫尺嗟左目缺偏盲  
實誰使體缺心則全于志固可喜人生各有目五色炫  
華美安知孝子心實有無形視芳聲潔白行千載婉蘭  
芷持此論守身大小孰與儼

憶壬子歲富春江上之遊乞董編修 邦達 寫其意

曾挂秋帆一葉輕却磬生絹寫幽情樹頭宿霧疑雨過  
沙觜殘霞如月明高興有時看鳥沒閒心不分逐魚行  
富春城郭江天景說與詩人路不生

景龍觀鐘銘拓本集字二首

崇簾懸仙觀洪鐘鑄碧鯨雨昏震萬有風急韻重城鐫  
字夔呈秘收聲鶴寫清紫宸規妙構林壑想元情  
妙律停虛苑洪聲散上方含風無俗韻應候有清霜寶  
簾青巖樹靈圖紫極張千春金字在凝想一飛揚

宜城邱相國闔門殉節詩

明運傾頽日艱難大厦搖寇氛千里近王氣百年消鵝  
鸛軍行亂參辰國議囂台星紛置弈鈞軸沸鳴蜩事淺  
邀新渥時危伏舊僚牽裙晨涕泣密詔夜蕭條轉瞬金  
甌破盈都鐵騎驕鶴飛城郭是龍去鼎湖遙決烈辭腥



道古堂詩集卷六  
九  
汚從容赴寂寥，巢傾畱弱息。命絕托長謠，有父居鄉國。  
全家犯寇妖，龍蛇荒壁暗。丹碧寸心昭，貞婦淵同墜。嬌  
兒梗共漂，漆身空報趙。飛箭不通聊，卞珍屍誰撫。陶瞻  
魂未招，門蘭嗟盡翦。崑玉痛全焦，佳傳聯三世。忠忱動  
九霄，幽光河嶽著。正氣雪霜凋，自欲凌松檜。何曾顧領  
腰。

聖朝崇節義，持此厲風標。

戲效坡體贈嚴

遂成

同年

記與忽奇擅賦稱，一麾出守著威棱。金門對策偕徐樂，  
幕府酬詩得杜陵。義不宥降辭匪激，剛難受叱氣誠矜。

沈冥自是君家學，釣瀨清風尚足徵。

過靜默寺飯海公禪房

示講鬱苦味聞禪，流愛涎山僧。顧我笑手酌青瑤，泉屢  
顧松影直。倔彊迴羲鞭，佛堂火微綠。照徹顛毛顛。

浹旬後海公復攀茶話

廣莫風來樹杪聞，殿鈴續續語侵雲。諸天爲供伊蒲饌，  
居士誰傳淨土文。

謂于殿撰敏中

義外風旛憑客借，詩中蔬筍

讓公分日曬，並馬重闌隔。欲請吾師更一云。



道古堂詩集卷六

男賓仁校字

道古堂詩集卷七

仁和 杭世駿 大宗

翰苑集

元旦雪中早朝次胡禮部 國楷韻

霏微瑞雪屬朝家  
灑向鵷行燦歲華  
地道無心融麗景  
天公作意放奇葩  
銅池氣轉重凝澤  
彩仗晴烘細著花  
慚愧陽春無雅奏  
感恩仍許酌流霞

送少宰邵先生 基 鎮撫三吳

首曹崇貳職左相接  
天樞藻鑑追裴馬  
銓衡亞李盧躋



榮  
當宁簡發軔昔年殊蕊榜名無匹

形輝策莫逾宣麻鑿掖上橐筆玉堂隅物望推圭臬

朝端重楷模

特膺春禁選每傍日邊趨秩冠西清局筵陳五位圖

龍飛開有道虎榜贊明謨教胄聲曾著掄材格不拘崑

山搜璞玉赤水探遺珠得士原經術羣言闢說郭統承

關與洛源溯泗兼洙樂喜中和奏輪應大雅扶槐根甘

澗落短翮振枋榆自分柯亭爨重蒙黍谷煦摛文慚典

冊問字昧青觚一瓣香長託千秋業豈渝正期從絳帳

忽漫唱驪駒獻替臣心恪勤勞

帝眷紆建牙尊百吏露冕鎮三吳庠舍叢梅發嚴程陽

雁呼峭帆移浦樹疊鼓匿江鮪政美翔鍾阜歌傳到具

區閭閻風返樸財賦力全蘇已釋東南顧還期舟楫須

長隄沙待築宴殿醴頻斟毗倚

恩難並謀猷德本孚青門車溢路黃帕酒盈壺立雪情

何極心隨丹旆驅

和張檢討

漢

補棠詩二首

前以翰編出知河南府事

三花少室有仙枝特向宜陽補舊詩伊闕十年惟樹木  
大河萬口卽成碑發倉汲黯能持節驅虎劉昆不設祠



同此清風傳鞏洛澤蘇植物已先知  
畫軾巡行勞聽訟民歌羨憩到於今  
名山女儿畱疎影  
澗水臯橋指舊陰  
滲漉皆知賢守蹟  
栽培原屬使君心  
輶軒倘紀張堪治  
父老攀條思不禁

明侍御滇南趙鎮所

賜諡忠愍詩

興廢亦有命賢愚亦有時  
不知造物意何用顛倒爲  
六年委鬼當頭立翻使煤山殉社稷  
空拋聲色獨憂勤等  
與江南作亡國滿庭意氣盡公卿  
首下尻高向盜賊報  
國唯餘十九人血面淋漓翠華仄  
烈哉趙御史致命何

從容成仁取義兩不愧  
光氣煜煜飛長虹江南立草草  
議論殊不公奈何易名典獨俾遺孤忠愍忠祠側翳坏  
土荆棘颯颯生悲風  
聲名磨滅近百載幾以腐草儷貞  
松人生有命實不同賢否尙如此  
何況窮與通須簪一朝凜欲活潛德  
幽光詎終沒慷慨當年咀賊心想見穿  
齟冢中骨吾聞唐張許死節志維一  
先後跡稍殊讒口恣揚抑大忠  
不求名但託天與直紛紜亂離間  
誰暇一編簡冊焉知公外不有人  
寥廓乾坤慘魂魄

編交呂詩

耀會

寄示司農公遺集敬題奉簡

二百年中數鉅公六詩三筆迴誰同

司農爲吾師  
光祿公難見別教



河洛畱真語魏孝文遷洛王長孫撰河洛語音才識邛鄜是變風江左  
論交無揖讓黔陬得句更清雄溯洄每恨吾生晚頻燕  
心香一棧通

題汪上樽讀書秋樹根圖

世上焉有未讀書想在邃古邗姚初其冊已燼理可疏  
學與不學在所於吾友壹意窮五車惡卧粹掌恣佃漁  
一區竊比楊子居有竹有水有屋廬有千章木一寸魚  
樹根輪困樹腹虛惡客不到喧自除琅琅清韻疾以徐  
時與秋氣相卷舒吾生習懶拋三餘紛綸經術恒齟齬  
丹青欲下手拮据坐令老大無名譽何處令子篋盡胠

竟與孔鄭辨密踈銅槃異饌樂且胥移牀就蔭信有諸  
青天撫卷浩惆悵吁嗟吾老其難如

南窗夜坐卽事

徒倚閒階待月生淥差差處水微明一叢幽草翠可摘  
兩樹晚禽暗不鳴機息但思尋臥簟更長渾似守空城  
涼雲嬾漫涼風動已卜天公肯放晴

題陳舍人兆嶠蒔藥圖

別錄圖經次第銓因君又見拾遺篇宋陳藏器著人間  
名品知多少合向神農借赭鞭本草拾遺

四種瑜伽未足誇不教藥樹長根芽春龕我示維摩疾



天女能來祇散花

馬九貞外

位

自終南來遺絨巾二襲

白氎裁巾善肖形  
兜羅絛手細含馨  
行求野橡牢持盃  
散落天花淨拭餅  
有水流時供洗眼  
無塵到處借譚經  
還憑勝鬘重施巧  
繡上盤螺佛髻青

武安張孝子詩

淦水久傳張仲孝  
人倫模楷冠中州  
臯魚泣墓霜松溼  
阮籍憑棺斗血流  
不藉金龜雙日啟  
默祈丹鼎百骸瘳  
顏烏許鹿尊千古  
獨行如君始足儔

烏程沈貞女詩

寂寞蒿簪十載餘  
輕塵弱草話唏噓  
授綏未得門前俟  
同穴終隨地下居  
有節新篁看轉勁  
無波古井比能如  
烏青他日徵文獻  
願乞湘東金管書

查三

學禮

自津門寄惠吳綾

舊年一裘破見肘  
今年一襖紕如麻  
眾人着衣取完備  
獨我滿體生槎枒  
想因風尖縫易坼  
或者韻苦手屢叉  
如斯解嘲辭亦妙  
于理不足祇取譁  
老妻紉針請補綴  
凍手澀縮含皸痂  
到門先防牆厲角  
入市尤犯囊盛沙  
憑君冷眼忽窺破  
開口一握動左車  
直沽估船市三簞  
吳綾白地光清嘉  
橫者尺五縮三丈  
闊幅朶朶青蓮花



封書遺我二百里其辭甚質幣則華翩翩紈袴逞侈服  
令聞廣譽將安加吾儒志不在溫飽縑袍以外邊知他  
未能免俗且學俗恐媿兒子矜豪奢亟呼縫人試新樣  
朝元著向同官誇

冬日園居

閉門宜習嬾不怪履綦稀埽境戀餘雪開窗餞落暉樹  
風非俗響雲氣似生衣送客門前路蒼茫意更微  
微雪不封徑斷雲歸此間因風思濁酒向晚啓荆關短  
榻寒人共危巢獨鳥還江湖艱旅食誰似野情閑

臘八日雪次吳禮部文煥韻

癡兒啟戶笑胡盧瓦瓏條條欲辨無破曉但增情晃朗  
舞空時復眼迷糊冰花裂竹冷侵幕品字疊柴光潑壚  
佛粥不從鄰寺乞泥人重費買春壺

數間老屋穩棲盧三籟朝衾聽漸無煖炕細添枯葉爇  
破窗旋割小箋糊閒懷隨分繙書夾癖性真堪廢酒壚  
予不  
善飲細琢寒詞敵瓊玖此身渾似隱水壺

書漢書高后紀後

孝惠棄天位呂氏恣俶擾后宮美人子一一痛孤藐代  
王亦側室非呂焉用剝乃知平勃謀用意甚陰狡專心  
媚長君畏忌及黃小濟北一何愚清宮殊草草異哉蘭



臺史此義未蒐討眇眇四皇子闌入恩澤表

並蒂蘭次奏事官張寶善韻

碧盃青瓷判曉光一枝分幻兩重香笑開楚澤同心臭  
立並春風竟體芳露眼泣啼便采摘月華交影費評量  
宜男好與紅閨佩定有雙珠叶夢祥

題朱澤州樟小山泉石圖二首

溪山有真趣曦景不可賒但須捐害馬遑問孰所家王  
屋縹緲峰如掌天半遮拄笏看不厭石氣流青霞清風  
滿襟袖拂落巖端花

歲豐官事閒愛此溪上聲溪聲靜復喧石骨相與清幽

懷日以遠俗慮自不營要以澹泊志坐致化理平卑哉  
投金瀨徒爾流詩名

送厲清來宰靈石

一官直度絳汾西峻阪嶽危岸柳齊瓌駉曉巡孤谷遠  
棧車晴壓大形低時平廢壘餘秋草地險高原有牧蹄  
巖邑自來資鎖鑰重關東望接天梯

題朱雪田翁遺畫為陳謨作

制河有客城南見手抱殘縑淚如霰自言性癖嗜烟霞  
期水期山看不倦謂吾甥者雪田翁冷笑荆關法未工  
游戲雲藍三百萬興來橫寫兩高峰峰頭似有神仙宅



淡雨濃嵐遮不得聲名晚動

九重知湯液臺邊長領職領職恒稱老畫師到門邛杖  
一條支春風忽示維摩疾零落紅蠶未盡絲絲中有恨  
終繚繞顧廚桓舸畱傳少何來一幘重璠璣嶢嶢孱顏  
空未掃剩水殘山總愴神西州門路是何人還將策馬  
羊曇慟日暮題詩當寫真

咏白秋海棠次阮編修

學濬

韻四首

何曾渲染仗天工細幻娟娟玉一叢真箇素衣偏耐冷  
生成弱質不禁風晴蜂繞過黃鬚褪凍蝶飛來粉翅空  
莫道色香無處覓霜娥清照月明中

驀見牆陰無限嬌涼烟漠漠韻難消欲空色相延秋賞  
爲洗鉛華帶雨描素面幾曾施薄怒冰肌不耐壓輕綃  
梧宮桂館都尋遍零亂西風泣瘦腰

數朶蕭疎不奈愁不關風雨卻關秋微烟凝處啼封頰  
淡月吹來笑斂眸潮暈羞隨春樹減清光擬共玉河流  
簾衣曉映羅襟薄爲爾嫣然獨下樓

滴粉搓酥迴未真裁紅暈碧思誰倫幽姿自喜能違俗  
僻性從來不耐春寫照定煩修月手放顛合贈浣緇人  
絕憐標格空凡艷恐與西天別有因

秋日答馬九員外

位

見懷卽用其酬桑水部詩元



韻

十日塵中居幽夢隔泉壑緬懷雲將遊有意不得託西  
峰渺何許愛此秋蔭薄精理蘊妙房微言析元著斐然  
二三子卽事欣有作英辭扇芳林矯若烟際鶴修條不  
生寒清氣尙可約天風一以來巖花拂衣落

再用前韻寄馬

位

君詩多婉孌了了見邱壑暫釋塵中鞅幽意各有託危  
澗履石醜疎雲映空薄輒下二百籤妙諦執無著紛綸  
善契微迥爾振衣作雲中攜盧敖攬臂狎秋鶴山僧愛  
跽音埽徑責前約爲期春雨佳來看瀑泉落

送潘三

汝龍

宰松溪四首

藉甚潘懷令看花別上京江帆衝雪度嶺嶠傍楓行地  
僻增遊境才多減宦情劇知行部處一縣盡溪聲

華歲堂堂過誰尋一瓣香世情貧乃見詩格練尤蒼辛  
苦探珠海艱難到玉堂西江有宗派看爾獨飛揚

建水吾曾歷溪山捩眼新深林知送雨澗穴自飛輪橋  
戶晴輸課茶人早報春江城資臥理恰稱苦吟身

遠道難爲贈黃花爲爾開清時容嘯傲鴻筆有風雷路

過千峰迴橋看駟馬迴峨松一丞隱官事莫相催

謂張丞文

也煥



咏方鏡八首限方字

塵海何人不毀方苦心良冶見鋒芒輝煌素壁真無翳  
較量元珪惜少光巧製薛家籠玳匣新磨茗水汲銀塘  
脩眉廣額分明畫京兆風流舊姓張

脩月吳剛別有方巧裁雲匣瀉寒芒瑤臺對影當窗直  
粉碓摩棱著手光十幅遠山開畫冊一泓秋水翦廻塘

背銘不用循環讀斲就銀屏四堵張

列女傳畫之屏風四堵見七略別錄

銀華鈴水耀難方膚寸棱棱露彩芒海上仙壺歸一照  
地中陰澤有輝光金輪春老空開殿鑑曲波澄未滿塘  
珠被著來知穩稱回身應向玉臺張

昆吾切後玉成方細截輕冰未頓芒對劍看移三尺水  
隔簾仍透四分光長疑虛白能通曙不信空青竟溢塘  
銅樹寂寥珠網閉花開曾作畫圖張

曲檻常懷水一方觚棱偏愛射寒芒堂襟納月三條影  
壁帶捎金二等光秋露有情飄玉井東風無力解冰塘  
茗孃茗子紛投贈攜向紅樓鎮日張

逢占射覆笑東方賦物還能極眇芒照水比犀分後色  
印階如日正時光繁星散彩掠書幌秋雪作花迷野塘  
讒語刀環渾不象含輝雖破莫分張

箇中清艷世誰方象外頻煩露穎芒四際不知春似海



兩間真見日重光若無圓態難循格恃有澄懷冷挹塘  
昔昔秋風刮塵起不曾先乞錦帷張  
嶽嶽丰裁峻抱方寒空作作漸生芒清容不改冰霜性  
丈室恒依日月光萬頃銀濤歸尺幅一天青氣吸橫塘  
題詩好繼千秋鑑橐筆家聲未數張

登韻八首

徑尺青銅出尚方開奩秋影動星芒鎔錢就範剛爲孔  
遇雪成珪便映光碧水翦瞳清照座紅芙如面爛盈塘  
明蟾桂樹都無賴端正華堂試一張  
英英朗璞迴難方青嶂成圍割劍芒萬象靜涵千丈影

四游橫放九秋光通天小有仇池穴近水還同賀監塘  
我愧方心蓬顆翳從人施作玉屏張

地接蓬瀛闢徑方神峯標映遠含芒全憑玉尺裁量正  
欲奪金壺浸潤光松約爛雲歸石屋旭收清露到圭塘  
團樂不似江心鑄錦翼飛來莫漫張

軒轅化後失竒方雲薄星迴淨裊芒地角四環呈異采  
天田一曜耿孤光碑因沒字金生背井爲無波露印塘  
珠粉塗來閒較量白盛爭得並施張

白盛見周禮掌蜃  
又見儀禮鄉射疏

雲葉裁量片片方水軒晴漾日生芒兩邊透照成三影  
四角迴中稱五光宛似寫形歸畫幃不妨偷樣學青塘



劇憐空艷無人會輸與璇圖織錦張

朗懷一向號通方落落逢人不斂芒熱客但知呈冷面

孤情無意發奇光心平轉笑彈碁局影動疑臨躍劍塘

風格若教商位置玉壺仙洞合高張

生來剛德誚乖方旅髻經秋點玉芒冰魄何須求變樣

霜棱也肯學和光九枝燈燦通明殿八幅帆輕灑瀕塘

攬照苦無圩頂相十年塵柳不曾張後漢書方術傳高獲尼首方面

閨苑圖形肖直方容成橐範見精芒室中奧白分難定

空際縱橫不少光磨取祇應尋負局買時還憶過湖塘

金門詞客多清暇傳寫新題處處張

次韻

錢塘周天度心羅

青銅巧製出炎方端正窺人溢彩芒卦位金行占兌

澤坤輿井絡湛輝光石樓曉霽霞凝闕桂國秋空月

滿塘好與軒轅聽廣樂通明仍向洞庭張

飛廉營作偶隨方丈室宵看艷紫芒槃水全沉蚪蚪

跡劍花橫翦鷓鴣光星搖太白涼穿牖鉄躍麤賓影

到塘若許水精為近侍清朝還向玉臺張

嘉定張鵬翀天飛

誰引雙瞳古鑑方初開塵匣露晶芒全摹大地山河

影不借層霄璧月光倒映菱花疑滌井平量玉水湛



銀塘臺前漫學秦宮照恐有蛾眉怯膽張  
漫爲圓製強爲方依樣盤龍耀角芒寶殿四阿爭散  
彩靈臺一寸欲交光丰稜峻作千秋鑑品量宏開半  
畝塘長價近來憑薛燭錦奩緇篋憶分張

仁和 梁啓心 首存

愛他不矩自然方尺幅中涵萬丈芒底用磨礪去圭  
角要從剛健發揮光雨過雲破天垂宇潦盡潭清秋  
滿塘未許妝臺照梳裹玉堂高處好鋪張

瓦合由來總毀方偏餘冷面對寒芒中邊界住青空  
色表裏平分熨帖光無垢飛精依曲檻不波止水浸

橫塘憑君虛室能生白儘拓窗疏稱意張

江都 甫 及甫

祥金躍冶賦形方出柙應騰四照芒肝膽稜稜增壯  
氣鬚眉歷歷有餘光霜明鴛瓦臨高閣日射堅冰裂  
淺塘盡愛薛家新製好碧湖春浪片帆張  
一室空明映四方揩磨几席靜含芒數稜清氣開詩  
境幾折寒波潑硯光琢月有才輝玉宇鏤冰無迹出  
金塘不嫌太自呈圭角好醜分明要主張

江樗齋孝行詩

身體髮膚父母授割股事恐非中庸三尸讒言二豎惡



權以濟變理則通因親所授爲親毀雖毀仍與不毀同  
猛然下刃不目痛真心直欲通蒼穹江君愚實不可及  
一嚮遂奏回生功惟君純孝秉素性故能見急據微衷  
里人稱君不名爲孝子聲藉江西東短歌聊用紀實行  
百世下或聞其風

送趙

信

南歸用其畱別韻

躑躅寒街感不禁西風回首別愁侵荒城雪大減行騎  
鄰樹月明空晚禽去客無心共斟酌寥天有意變晴陰  
何時歸到南堂宿看爾新題發妙音

戊午十一月十四夜夢中爲人題圖

尖頭小艇狎漚羣  
擗入寒濤路不分  
日日臨流晒漁網  
十年曾此看湘雲

待雪

空中玉戲恐難憑  
忍凍猶遲半臂綾  
抱樹啄花無鬥雀  
緣溪掃葉有殘僧  
辟寒簾幙風初試  
積靄林巒氣尚蒸  
擬約坡翁來白戰  
清宵先上竹窗鐙

查三餽歲奉簡

羸童貰酒色轉傲  
債主到門辭乃謙  
物態細推供一笑  
侍兒還聒贖衣添

石屏張氏世德詩



濁水求明珠水澄珠亦輝持斧鑿貞玉斧缺玉不虧  
皇威清九有後夫咸來歸微妖眇蟣蝨稠疊隆恩施一  
朝逞螳臂震動西南陲黎民等蕭艾禍乃先蘭芝居然  
網英俊羅畢盈中遠張公抱清節介石心不移道暘雖  
顛連忍蔭惡木枝杜門奉滌髓笑言春怡怡唯聞弦誦  
喧不顧干戈危

王師大振旅衽席安瘡痍櫂槍一掃滅景星中天垂峨  
峨青松幹皎皎白素絲憶昔兩漢間獨行多瑰竒向長  
知損益工勦虜冠衣李業旣受藥王嘉亦伏尸生死雖  
不同志各千秋期

聖朝尚忠義四海瞻光儀清德宜有後逸翮連翮飛屣  
屣點蒼山浩蕩瀾滄池山水自終古此德千秋師

和張檢討圓硯

紉鬪雲根仿辟雍犀眉鵠眼見清容瑤環貼几疑冰久  
青鏡埋塵點漆濃蟾淚向凹沈曉露兔豪依暈斂偏參  
銘勲合寫坡翁贊絕勝芸窗怪石供

二月六日赴禮部宴

恩賜簪花表裏恭紀

金水橋邊路朱衣導引來陽和迴曲宴遲日上春臺法  
酒將花艷宮袍稱紵裁



聖朝恩禮重不敢負賢才

三月十二日招諸公集丁香花下醉後放歌

朝來不辨花有無紫烟但見春模糊千愁亂結丁子小  
四瓣獨透芳心麤細看不信眼福飽一黷遂令肺病蘇  
花神嫌我太岑寂同隊一一煩招呼清詩百韻爵無算  
有則滑我無當酷吾儕志不在歡宴要與大造回春敷  
凡葩憔悴少生理如士失意泣路隅竟當盡攜入此座  
立命斗酒澆根株儻風憊雨不許作明霞朝露長相濡  
幕天席地紫絲障行炙役使千名姝詩翁各試買春手  
墨汁往往飛金壺卷荷但聞清響入祇有高唱無笙竽

豪思狂掣縛不得仰首大笑驚清都羲和貪看下界樂  
緩轡亦爲停須臾瓊姿兩兩迴笑靨似與作者相喁于  
少焉皎月自西出照我瑤席無偏枯花光紛與月光亂  
倒寫枝格橫衣襦此景只合讓詩說縱有畫手知難圖  
句成擬就紫府宿好夢定挈花魂俱

集堇浦寓齋看紫丁香分賦 金壇于 輅敦殷

泉明之菊茂叔蓮名花每藉名人傳古人幽賞本絕  
俗後來傳會翻拘纏豈知愛花必法古其俗在骨醫  
難痊瀛洲仙客詩中仙春盤速客吟花前三春桃李  
方暄妍吟情卻在幽欄邊欄邊一樹春條弱紫姑夜



降來嬋娟杏雨半沾紅暈澹梨雲勻染脂痕鮮風寒  
薇帳霞初起日炙榴環火未燃石家步障銷金縷謝  
氏羅囊沈水湔花光如此那惜醉酒鉤記藉催觥船  
主人愛花不愛酒對客能賦還能顛我非酒人況詩  
客黃緣幸上郇公筵因思此花實殊絕得入吟吻非  
偶然柳枝嫁後潘妃老畱題往往無全篇江梅不經  
楚客賦海棠未列花溪編寒枝繁蘂共寂寞久隨蔓  
草縈荒烟何緣開向生花筆當筵倚醉抒吟箋繪影  
摹形兼辨色妃青儷白窮雕鐫定識花關傳故事來  
朝市上價值千酌酒語花漫如結花亦解事增便嬛

迴身舞向紫薇客嫣然欲笑風褊襪

汪沆

燕山寒多春事晚二月已破風猶淒緋桃穠李不到  
眼但見丁香應候抽枯蕙曉來雨過六街淨輕衫絕  
少纖塵翳巾車爲赴故人約入門一樹繁英迷交枝  
接葉紛姪姹含苞一一宛似明璫低廣庭半割紫絲  
障卓午香徧鄰東西是時寓公次第集移牀花底鋪  
青綈盤殮隨分亦不惡況有吳柑趙栗哀家梨頗憶  
前年上巳後小椿樹巷經旬棲殿春花好壓擔買花  
光浮動銀畱翠夜闌卷簾燒燭興不淺劇談往往聽



到三號雞自從許郎葑塘黃海去予亦津門縛蹇蹄

京華旅食二三子如雲忽散星忽睽今朝且喜風日

美花前綦履重提攜滄州易州並佳釀對花不飲花

應詆人生踪跡踏雪泥別多會少心慙悽莫學鳧鷖

爭稗穉俯仰物理終不齊不見此花明艷矜絕代大

索花譜名難稽九品九命無緣題杜甫錢起所詠丁香卽雞舌香今丁

香花又一種也不載花譜

董浦以諸公紫丁香詩見示索子補作率賦

吳江李重華實君

詩壇飛將烟花主天下風流說董浦舊占西湖結草

堂歛歸東壁開瓊圃長安好花千萬樹不遭妙句花

空吐一樹粉靨亞曲闌新詩特爲添花譜祇言香種

住香國莫識紫英來紫府禁籞分將罩地烟微垣散

落漫天雨詩翁倚樹發高興立促尊罍召簪組綺席

初開露滿苔流霞乍泛風生戶力排險語鬪奇麗別

出清裁摹媚嫵步障須同金谷誇羅囊合共東山賭

我惟公榮可不預免取花前作詩苦那知今日賞花

來落花已作迴風舞詩翁把卷指花說子詩獨闕毋

寧補已愁梅樹逸離騷忍使海棠遺杜甫我爲看詩

興亦豪羣公餘勇猶能賈紫玉芳魂特地招紫姑仙



蹟從頭數後詩畱作護花鈴前詩任作催花鼓詩成  
滿擬再傳觴我欲醉眠花下土

道古堂詩集卷七

男賓仁校字

道古堂詩集卷八

仁和 杭世駿 大宗

翰苑集二

恩賜

憲皇帝御製文集恭紀

功參

三祖繼稱尊寰海黎元仰肅溫金鑲萬年傳

寶訓玉堂一例拜

王言微班遠媿夔龍佐鴻業猶垂虎豹闈

明詔祗今流涕讀簪豪難罄



覆素恩

高瀛洲春官被放將從視學者爲漢南之游畱之

不可督之以詩

文章有真契所學在不苟宏獎謝陳人能事推小友當  
其愜意時雖誦不去手兩年京國遨聲價竟無偶摳衣  
趨講筵劇論每盡酉期子天衢亨古道將共守胡然江  
漢行吾意無所取旣非救饑寒徒爾瘁奔走三年養蟄  
餘功力非不久七經旣羅胸十史略上口琅琅振奇懷  
庶以致無朽卑哉儕俗論得一乃失九臨岐騰蕘言時  
習戒毋狃

蔣閣學

溥惠瑪瑙朝珠

鷓鴣長陪第一行可無珠串壓朝裳玉璫有意同緘札  
瓊玖何時見報章十世尚宜綿手澤六時惟有繞心香  
摩尼五色應相似肯共山僧較短長

莊親王手書清淨經石刻題後

朱邸欣多暇虔書太上經清言探紫宙妙墨婉黃庭運  
腕工無敵齋心誦可聽緹巾應十襲臨寫徧槐廳

方鏡八首次桑水部

調元韻

象齊歸赤堊銅鎮隅真覺透虛空方塘細浪吹才白  
厚地層冰積漸融綺閣春深雲滃牖玉階更定月當中



闌干珠斗秋河裏四輔青熒衛紫宮  
朝朝立向玉臺前裁翦清光不放圓  
扇影却隨綃幕轉波流折傍錦闌旋  
琳窗際曉方迎日雪竇看雲忽漏天  
但得帳中常四照何須寶蛤夜來懸  
畫奩開處四無塵風骨珊珊迴絕倫  
藏去祇宜冰作柙鑄時羞要月爲輪  
澄江練影融成片石窟霜華散滿身  
多少妍媸借方幅却教收取入陶鈞  
朗鑒空教說畫冰曉珠依舊浪相稱  
鮫鮓不織千絲淚菱蕊長畱四出  
稜華嶽雲歸霄路霽楚江風定雪波澄  
明明攝盡山河影寫作圖經尚可能

清容不肯逐圓光斗覺丰神更倍常  
巧挂已忘銅樹直乍看還認玉流方  
袖中錦匣隨時改檻外冰帷照樣張  
拂水曉巖飛瀑急驚風吹斷一千行

銀花在冶細分流忽轉金風界四周  
蓋篋巧收關塞月布帆清瀉蜀山秋  
珠宮透影常移曉玉沼無波不浣愁  
愛爾最誇標格好春來不肯上青樓

寒輝四溢耀無方照骨真成百鍊剛  
借得珠繩經月地本來銀漢隔紅牆  
秋沈石壁牽蘿帶影劃金塘浸芰裳  
圭角自知難鏟鑿周圍不放十分光

朴制猶存未破觚靈光侵曉爛銀鋪  
年年依樣畱春色



幅幅繡空變畫圖較骨相應輸我朗不圓融更比人迂  
短屏風外輕塵暗每到秋來顧影癯

頌茶

余不喜酒而獨好茗飲戚友間以茶事相餉者歲無  
慮十數閒窗小聚戲爲品第貽門人趙輅黃可潤兼

荅查主事

學禮

許別駕

端

之貺

初陽臺近樹冥濛細揀槍旗碧崦中多事別煩飛騎送

更無穀雨有條風

杭人競於穀雨前採擷  
遞送京師名馬上鮮

甘香三日玉池儲紫葉銀毫細細舒如此清恬好鄉味

幔亭猶說祀乾魚

峽底清流瀉月光一花一葉各幽芳前身我是梅花衲  
添與春冰嚼更香

劇愛綠釵包紫箬絕勝白絹印紅鈴故人也似黃山薺

甘味時時苦味兼

別駕以  
憂居里

劉詩講

藻

席上送同年汪編脩

士鏗

歸休陽

敢將巨手壓諸公策馬天衢意氣同華省競推湘管健  
鎖闥一顧冀羣空神依夕膳黃山下

恩戀晨光

紫禁中聞道路河秋漲濶推篷細細數歸鴻

落葉八首次翟

灝  
韻



一回飄颻一回稀鋪徧荒苔獨掩扉  
隔夜偶然風力猛初三先見月痕微  
曾來野店殷勤掃故向亭臯汗漫飛  
怪底山蹊響吟屐敗紅堆裏曳筇歸

淒淒變變陡生憐老幹梳風不聚烟  
天爲空梁停落月人因衰鬢感華年  
清商有韻調箏雁薄命無緣枕鈿蟬  
玉宇不知涼露重夜深還到井闌邊

蒼茫一望不關愁却怪天公善賦秋  
過嶺夜喧交虎跡點波涼動散魚頭  
何妨輾轉依瓊砌略借吹噓上畫樓  
多處愛他池面積也如身世半沉浮

蓬轉何知驛路遙渺無情緒揀秋飄  
牆頭飛過尋難見溝口流來怨未消  
孤月一稜撐破寺殘陽幾陣送歸樵  
無端又被輕帆阻不得從容到板橋

年時密密蔭長街倚樹攀條寄客懷  
幾日淒疎沉暮色一般憔悴隔天涯  
驚颺有意吹成路朗月今才照滿階  
乾響傲傲麕鹿過幽人方結八關齋

幽語時時咽碣琴只因披薄近西林  
輕如小舸頻年泛冷共浮萍一寸深  
金井祗愁顛倒墜石闌空費短長吟  
崢嶸讓與隋宮綵可耐清宵玉露臨

夕崦蕭疎磴路斜寒叢禿處露人家  
草添暮色連殘燒蟲骨青絲颺菱花  
曉徑易迷尋藥犬空枝難護落巢鴉



丹黃粉本都刪却楓嶺誰停向晚車  
瞥眼流光逝易驚蕭蕭況住鳳皇城枕邊真擬催成雨  
賦內居然寫作聲庭小尚嫌高樹瘦窗疎惟見白雲明  
故山老屋欣無恙只有寒松不世情

遼海篇贈傅少尹 爲詩

行身貴有本立言務其原原本既已得自爾殊卑喧巍  
峩御史臺豸冠何軒軒上殿一輪對次且無膚臀懲羹  
并吹壺舌齟箝勿反遂令烏府柏荏染同楊園細故工  
指摘蝟比牛毛繁不以效獻替諫草胥可焚傅侯近入  
院浩氣雲霞奔上以洪

主德下以矜黎元皇皇三千牘陳辭排九闔嚴氣絕嬰  
媿言人所不言丹衷貫

黼座宏諍殷 去聲路門衆官謂不然獨得

帝念存陪京王業基貳尹官階尊

帝曰往汝諧爲余襄東藩

王命日三錫畫輪朱兩轡伍伯黑介幘烝徒橐左韃酒  
車騰康觚割鮮萃魚燔車糶馬蕭蕭旟旐紛繽繙送君  
蒞關輔

天寵陽春溫惟此遼海區廣莫無崖垠土高風力厚冰  
凌瘁拳跟外通北道貢控制百務煩雄州當羆臥勁旅



恒峰屯三種裕艱食

周禮職方疏  
幽州宜稻

五流息遊魂耐刑輸

徒作漸以長子孫險塞峙聯互奸宄能藏蹲急之束薪

溼縱之猛噬吞旬宣良獨難要在沛

帝恩觥觥吳大尹清節餐魚飧治理尚儒術澄敘先清

源上書條事宜不顧貲郎怨君今往副筵匪以求攀援

兩美信必合叶律吹箎墳顏闔善御馬卜式知牧獮蕭

規有曹隨谷懷彌淵騫習俗尚區霧皎如映朝暎丞惟

大宗師學海尤瀾翻裕以詩書理沃此仁義根士氣既

宏達民風漸龐敦

璽書下褒賞錫馬定庶蕃吾生抱蠢愚有舌不肯捫契

君方雅性載德擬厚坤四載官同朝握手猶弟昆行者

尚祖較欲酌無匏罇作誦以增美

崔靈思解以贈申伯  
云以增益申伯之美

見經典  
釋文 饒饒粗具論

八月十日夜集翟

濤 寓約賦長句

十年不悔抱遺經數子崢嶸見典型味較江湖更蕭澹

詩從河嶽溯英靈人來異地逢秋健天近高城逼夜青

此事更堪誇雅集亟呼東絹爲圖形

送程茂還淮陰四首

送客返淮浦悠然思舊遊潮聲催向夕木葉感經秋音

問從人索孤懷尙未酬悲歌吾與汝托興一扁舟



愛子詩章秀長城擅五言空堂無客到幽意向余論老  
屋兒能治荒園菊尚存幾時騎馬去同上郭西門

燕市晚來雨懷人在楚西荒蘆徧江介獨蹇入青齊謂

維祺周振采兩秀才野岸隨潮落秋禽向竹啼寂寥千載意不獨

惜分攜

出處兼深慮難為問俗儒君行畏霜露吾意在菰蘆白  
髮關心切青崖入望孤告歸仍未敢只是夢踟躕

恭次

聖製九日韻

崢嶸嶺樹變青紅望裏川原托與同駿馱浮雲通海國

鬱葱佳氣近關東欲捫參井窺晴昊暫借登臨散積忡

呼吸想能通

帝座民依早入

睿圖中

恭次

聖製九月十七日遊盤山天成寺登江天一覽閣韻

高峯夾寺雙門豁異境遙從入望分十地塵凡超色界

千僧器鉢斷聲聞鳥窺宿霧巡簷立葉戰驚風到澗紛

知有

宸游徵悅豫花宮長護九天雲



送顏行人

肇維

致仕歸曲阜二首

清門禮樂舊儒冠況有清風立懦頑毅魄百年留止水  
鴻文再世仰高山碧雲深處家居好小閣開時竹樹環  
最羨斜川能倡和鶴聲一一到人間  
幾年簪紱立

彤廷此日重尋鷗鷺汀六瑞躬桓徵典守二疏圖畫想  
儀形不周風向冬初急未了山迎馬首青莫道時閒高  
臥穩鼉生還擬受遺經

慰載

廷魁

失父

之子嗟行役荒廬佛火微淚同秋雨密心切斷雲飛嶽  
路音塵絕江船獨自歸蒼茫悲落日人海一麻衣

輓休寧戴夏峯四首

迢遙白嶽失風期秋氣深添宋玉悲剩有絳趺馨阿母  
枉將黃絹寄佳兒曲臺先議奔喪禮弟子增刪陟岵詩  
甚欲臨風奠雞絮重泉何路托心知

蕭條高隱舊江村世外勳名付後昆不見公車召徐樂  
轉令太學滯何蕃行營馬鬣情難喻徒跣雞斯痛可論  
料得望閭真創鉅重陳哀些更招魂  
平生風義迥誰如迢遞何由慰索居柳子自傳先友記  
劉公不廣絕交書文章已見超華省家學還宜論石渠



官爵聲名難兩擅欲從天意叩盈虛

驥子論父近日邊獲于詩卷識高賢割來記室懷中錦  
愁絕中郎指下弦躑躅春明驢跡路艱難秋賦鼠兒年  
擬封一掬汎瀾淚斑管重將淑行編

題趙五徵君

昱

秋芙蓉吟藁後卽次其荅鄭筠谷

侍讀韻

秋堂寫韻險語拈如蕁萋美重施鹽靈根汨汨意浩浩  
但有活脫無滯涼雲中手把青菡萏嗅之蘇忿心爲忸  
攄懷絕類孤月皎論價何止南金兼大聲撼俗非阿好  
擬古作者誰猜嫌榮華例與秀句迂膏肓欲向天公砭

枯蟬苦飢警鶴瘦高才不博條冰銜大科未得繼裴陸  
小經差喜窮顏嚴斜街卜宅跡轉晦寒廬僵臥神尤恬  
酒人吳廷華全祖望日過訪同隊一一遊鯨鮎力追幽

詣造古澹舌本淵永難加籍傳人豈必區顯約尚論吾  
欲齊涼炎史官今喜得王隱徵士安可無陶潛

趙五徵君復用前韻見荅再次奉酬

雪山微笑天花拈忽然撒作空中鹽幽廬有意鍛苦語  
清商哀徵聲非恣興酣寫出三萬軸一昔快讀心神忸  
正風不使蠹紫亂至味似有酸醎兼古情時與作者會  
澀調劣得凡夫嫌露盤金掌挹沆瀣力洗俗豔良余砭



以茲傑句愜心賞底用薄宦誇頭銜王昕人身既不惡  
陸厥風概尤矜嚴高簾不動紙閣閉曳袖瑟縮吟幽恬  
有時摘句圖主客酌我桑落烹枯鮎英韶振響雌律應  
一切哇咬咸施箝品題合媿康樂謝鮮華朗映初陽炎  
行看若木開四照燭龍含曜陰虬潛

聖駕南苑大閱恭紀三十韻

武宿開鴻業文思協

睿圖仲冬仍典禮大閱簡車徒夏誓中軍肅春官菱舍  
殊時和徵樂豈候暖變昭蘇海水三凌渙

宮雲五色敷遂移

仙仗出匪奉

翠華娛雉火宵嚴隊犀渠曉屬塗軒轅環玉帳太白守  
神符芝蓋依壇迴龍輶載轡迂

巡師

清問遠耀德

聖謨訐國以威稜震材思將伯俱有虔昭左鉞不贖示  
王鈇虹旒招搖起天戈列缺掄浪蛟明繞劍雷獸響援  
枹陣月蟾蜍暈旂風虎豹驅星辰依壁壘衝軸演方隅  
行列鵝兼鶴軍容火叶荼多逾水犀甲勇陋黑雲都獲  
雋真能克登麾不待呼勒銘稽獵碣



錫極在中樞沙軟容盤馬霜清思祭貙握奇親漢乘戎  
路戒周虞霽雪明魚服晴曦耀鹿盧八屯爰昔建九伐  
本來無角動清調琯雕飛疾應弧犒勤頒碧醞臨饗割  
黃瑜士飽饒歌壯時清樂頌孚龍蛇歸指顧熊隼麗闔  
闔上略承

三后雄儀晏九區永垂司馬法何用洗兵戈

送裘吉士

日脩假歸省親

大江西上汎歸槎曉唱驪駒驛路遐衝雪不辭隨雁影  
到家正及頌椒花青雲已見陔蘭遂白髮遙知餐飯加  
我亦有親虛子舍送君南望思無涯

十二月二十四日進

呈校勘六經退直

武英殿用朱子鈔二南示平甫韻同在館諸公作

六學精深許共商石渠高論後先望青編陳處傳心遠  
黃紉擎餘觸手芳百代鴻文今再煥千儒異義孰爲長  
從容退食重揮翰共戴

堯仁樂未央

齊檢討

召南

李編修

龍官

再用前韻見贈奉簡

疑義紛紛可待商蓬瀛仙境迴誰望傳餐更歷三時久  
授簡同探六藝芳退語浴堂情轉洽翻書朶殿日初長



二難雅擅凌雲筆檢點新編報未央

人日集周檢討

長發

寓齋用昌黎城南登高韻

獻歲急塵鞅久闕柔翰弄稜稜硯池冰堅澀未開凍墨  
瀋亟搜釋恰供佳節用寒廳崇招要脫略屏儻從炙手  
然松明活火一鑪共辛盤例可徵險韻忽傳送奇趣博  
得臬習語港芟葑諸公工硬盤力倍氣乃縱官清詩更  
清那復苦倥偬吾言多雪霜壓紙尚嚴重

以越香貽厲二徵君

鶚

南湖雪月劇清嚴特寄名香百和兼拂去定應縈玉軫  
屑殘猶得壓金籛重衾隔雨微微潤小榭因風續續添

知有閒情通繾綣茗孃纖手喜初拈

君侍姬茗人

奉荅董浦二兄寄惠越香原韻

厲鶚

薇廳風味極深嚴遠致餘熏妙語兼詹事可容評甲  
煎魯公未許續香匳春宵几閣勞相憶微雨房櫳好  
細添因有辟寒燕玉在芬氲肯為故人拈

題徐紹功如臯射雉圖

取妻論德不論色况屬儼然夫子身左思張載各貌劣  
文彩豈必輸安仁賈氏妻胡所見淺琴瑟義在猶生嗔  
解顏一箭計誰出舉烽之事當其倫徐生作畫意焉取  
得毋游戲毫端春風流倜儻兩善備畫意止此他非論



泥觀此畫必此事誠哉見與兒童鄰

春日集飲丁香花下胡三徵君

天游首倡四韻諸

公繼作余亦次韻

芳意較量春未晚畫屏開處恰當之銜盃莫遣花空放  
折簡長嗔客到遲紫袖好娛無事日錦圍真稱太平時  
殷勤更與詩翁約歲歲來看莫後期

濃香細細綴芳枝夙昔江南未見之約月來看開徑早

相風休妒卷帷遲營巢已過春三度

余自丁巳秋卜居迄今三看花鬪矣

行樂無如此一時料得東皇應念我故教爛漫愜心期  
白已晶瑩紫更奇此中佳趣我知之若教酒釀何辭醉

但得詩工肯恕遲布席儘堪留十日巡簷曾共立移時

黃壚飲伴團圞在懷舊無勞向子期

欲遣天公作畫師柔條一一錦籠之韶光豈爲有力占

節候但知今歲遲香雨灑將塵淨處紫烟凝向日斜時

吾生事事饒清福況與看花有夙期

五用前韻寄同年程檢討 恂休陽

一度看花百首詩有詩兼酒復奚之劇憐南國音塵杳

那解西軒讌賞遲屋外遙山仍舊識座中熟客半同時

明年管領知誰氏畱待君看已後期

六用前韻簡同年朱中允 良裘



蕭齋清絕無人到天遣名花供養之畱客恨無千日醉  
輸君已後十年遲中允前一官落托同萍梗此樹分明  
閱歲時東觀勘書知有暇肯來相賞不須期

原作

山陰胡天游穉威

春如五日閒京兆花對三生舊牧之已落猶開憐晚  
晚細看微惜轉依遲正難風月流連地忍負尊罍泛  
灑時休被芳枝更相笑枉將塵事背佳期

同作

陳兆崙

病起三旬鬢有絲匆匆馳馬欲何之花開此地來須  
早春到今年去較遲座客儼同何水部諸公皆不善飲主人

疑是鄭當時緩催象箸孤斟酒飲啄原非可預期

次馬員外

位觀魚韻

迢爾裴王趣淪漪透日明儵魚就堂策竹栢見交橫坐  
愛蒼厓潤俄欣小雨成寂寥塵躅外誰識此時情

送翟上舍

濤次畱別韻

雪魄冰懷畫不成賦才驚說近研京梁間庾果共客啖  
几上學書誇腕生六藉已知憑采獲三年莫笑不飛鳴  
士龍況住西頭屋軒冕終輸性分輕

燕雲朔雪隔南天詩酒遙情得共連勝地我方誇韻事  
清時君獨負華年志欺鵬鷲終騫翥情似夔蛇互愛憐



歸侍晨羞真得計西沽看爾一帆牽

門人蔣應焜

自吳門寄送樂器數事

花面雲鬟粲列行中年哀樂未相妨後堂不遣彭宣到  
絲竹多勞寄一牀

生花寶燭隔窗明每恨蝦蟇不借更竟欲攜從緱嶺上  
春風吹作滿城聲

怡親王命題明善堂詩集二首

寶玉分頒重展親日華宮裏露華新讀書笙典儲千篋  
報國葵心向

一人禮樂獻平推並席文章鄙桂許扶輪獨慚作賦輸

枚叟給札曾叨梁苑賓

捧出緹緗五色霞太平歌詠樂無涯清詞麗句凌黃絹  
夕膳晨羞賦白華煒耀壽萱當晝永檀欒修竹夾池斜  
一編直抵璠璣貴蘭坂吟成未足誇

趙主事

殿晨

遠惠龍井茶以詩代簡

四年不見兩湖面只當四年別故人說書吻燥無處告  
默默飽咽銅街塵石交有意嘲水厄芽旗兩串封題親  
紙香拂拂包裹解觸手恍覩龍泓春冷官雅與此味稱  
清話暢好畱嘉賓天壇汲泉委巷近蹇驢穩馱何辭頻  
呼童亟理折脚鼎點湯乍似魚吹脣寒廳掃葉助活火



縛把但少松毛新唵成徒倚轉自笑得隴望蜀須防瞋

和阮檢討學浩移居八首

機雲分占屋西東門巷無私月旦公新宅又添圖誌內  
舊聞都入笑談中窗前織竹籠雙鶴堂上揮絃送遠鴻  
千萬買鄰吾有約望衡鐙火幾時同

何處能除累劫塵一壺天地有餘春到來共鬪玲瓏句  
相對都無佞儼人香篆裊雲驅脈望墨光浮几見龍賓  
幾年朶殿同簪筆珍重分明著述身

地僻誰言與俗乖相於晨夕素心皆但能華國居何陋  
況得循陔貧亦佳閣外豈無投轄井樹根雅有讀書齋

一叢慈竹經冬茂扶杖時看笑倚堦

迢遞瀛洲上曉暎挹君兄弟勝蘭蓀同車入直輒移影  
對席聯吟燭刻痕佇掌黃麻分兩制共欣綠鬢照朋尊  
槐廳從此添佳話不數蘇家擅玉昆

肯把癡錢累素交只攜殘帙似僧包黃羊枰上翻新局  
白玉堂中識舊巢書仿河汾還自註學傳繁露手頻鈔  
好營隙地成蔬圃瓜蔓垂垂架紫梢

門掩苔痕兩版居往來惟愛舊春鋤爲徵疑事嘗窮我  
忽發狂言獨恕予揩眼同評青李帖齋心也理紫薇書  
開爐還有銷寒約易栗吳柑爲早儲



已移家具獨巡廊榆樹依依過屋長十笏重留呼卯飲  
三年難得看丁香幾人聽雨仍同巷遲爾彈碁尚隔坊  
怡悵報書來莫後歲殘蘭石要堅芳  
萋萋十里草如茵記泊蒲帆淮水濱枸杞井荒成獨往  
鴛鴦橋冷若爲鄰春風故里懷枚叔細雨高臺醉伯倫  
此日詩成應共念馬頭吹過六街塵

道古堂詩集卷八

男賓仁校





